

Persiapan akhir 21 MAR 1985 jelang peraduan

PENCER SILAT
4
PERSIAPAN bagi Pertandingan Silat Antara Balai Rakyat bagi merebut 'Piala Pusingan Haji Sidek Saniff', sedang giat dijalankan.

Pertandingan anjuran Persatuan Rakyat (PA) dengan kerjasama Persekutuan Silat Singapura (Persisi) itu bertujuan untuk memupuk minat dalam silat di kalangan belia Singapura.

Satu kenyataan dari PA berkata pertandingan itu terbahagi kepada empat kategori menurut jantina dan usia. Perkiraan usia akan dibuat berdasarkan tarikh 21 Mac.

Setiap kategori pula dibahagikan kepada kumpulan kecil yang mengandungi enam kelas, menurut berat badan. Butir-butir lanjut adalah seperti berikut:

Kanak-kanak perempuan dan lelaki antara 14 hingga 18 tahun.

- Kelas A: 30 kg ke bawah — 33 kg
- Kelas B: 33 — 36 kg
- Kelas C: 36 — 39 kg
- Kelas D: 39 — 42 kg
- Kelas E: 42 — 45 kg
- Kelas F: 45 — 48 kg

Wanita dan Lelaki berusia 18 tahun ke atas.

- Kelas A: 40 — 45 kg
- Kelas B: 45 - 50 kg
- Kelas C: 50 — 55 kg
- Kelas D: 55 — 60 kg
- Kelas E: 60 — 65 kg
- Kelas F: 65 — 70 kg

Pertandingan itu terbuka kepada rakyat atau penduduk tetap Singapura yang menjadi anggota kumpulan silat di balai-balai rakyat. Mereka juga mesti memiliki lesen bersilat yang dikeluarkan oleh Unit Kawalan Seni Pertahanan Diri (Macu).

Setiap balai rakyat dibenarkan menghantar seberapa banyak peserta dengan syarat tidak melebihi dari tiga orang peserta bagi satu kelas.

Para peserta juga dikehendaki menjalankan ujian dan pemeriksaan doktor di PA pada 14 April 1985 kira-kira 9.30 pagi. "Hanya mereka yang didapati sihat akan dibenarkan mengambil bahagian," kata kenyataan itu lagi.

Kenyataan itu berkata setiap peserta dikenakan bayaran sebanyak \$2.

Pusingan awal akan diadakan di Balai Rakyat Kampong Ubi yang baru, sementara pusingan akhir akan diadakan di Kompleks Sukan Delta pada 4 dan 5 Mei.



21 MAR 1985

● **BERSUNGGUH-SUNGGUH** benar nampaknya kedua pesilat ini berlatih. Semangat dan kegigihan yang ditunjukkan memang perlu untuk meningkatkan mutu persembahan.